



Kjell Negarden
kjell.negarden@gmail.com

Løyve til å plante fjelledelgran til juletreproduksjon Kjell Negarden – gnr 59 bnr 3 - Vinje kommune

Vi syner til søknaden din av 15. juni om å plante 400 fjelledelgran til juletreproduksjon.

Vedtak

Kjell Negarden får løyve til å sette ut inntil 400 fjelledelgran (*Abies lasiocarpa*) i samsvar med søknaden av 15. juni 2016 på gnr 59 bnr 3 i Vinje kommune på følgjande vilkår:

1. plantinga skal tidlegast skje etter at klagefristen er passert og ev. etter at klagesakshandsaminga er ferdig
2. plantinga må skje innan 2017
3. trea skal hoggast seinast i 2036
4. dette vedtaket skal bli overlevert til ev. nye eigarar av eigedommen
5. internkontroll skal bli gjennomført etter § 10 i forskrift om utsetting av utenlandske treslag

Bakgrunn

Søkjaren ønskjer å plante 400 fjelledelgran (*Abies lasiocarpa*) til juletreproduksjon på eigedommen sin gnr 59 bnr 3 i Vinje kommune. Det kartfesta skogarealet ligg omlag 730 moh, øst for Våmarvatn, under vernskoggrensa og er oppgitt til å vere 1 daa.

Fjelledelgran kjem frå det vestlege Nord-Amerika. Artsdatabanken skriv at fjelledelgran kan sette frø frå 30-40-års alder i Noreg og at spreiding rundt plantefelt er avgrensa. I Fyresdal er fjelledelgran svakt forvilla i beitemark.

Fjelledelgran har lav økologisk risiko (LO) i følge *Fremmede arter i Norge - med norsk svarteliste 2012* frå Artsdatabanken. Kategorien LO er framande artar med låg risiko som ikkje er dokumentert å ha nokon vesentleg negativ påverknad på norsk natur. Desse artane er ikkje svartelista.

Fjelledelgran er godt egna til juletreproduksjon i Noreg. Juletre blir normalt hogd når dei er om lag 10 år. Da produserer dei ikkje frø. Det er vanskelegare å få nok varme til frømodninga i høgareliggande skog enn i lågareliggande skog.

For å vurdere uheldige konsekvensar har vi søkt i naturbase.no etter følgjande:

- arter av nasjonal forvaltningsinteresse
- utvalde naturtypar
- verneområde
- friluftslivsområde

- inngrepsfrie naturområde
- kulturminne
- miljøregistreringar i skog

Det var ikkje funn på det aktuelle arealet eller nærområde.

På kilden.skogoglandskap.no (NIBIO) blei det søkt på

- miljøregistreringar i skog
- utvalde, truga og sær viktige naturtypar i skog
- freda, prioriterte og truga arter i skog

Det blei ikkje gjort funn på det aktuelle arealet eller nærområdet. Flybiletet syner at arealet er hogd.

Artskart er undersøkt. Vi fann ikkje noko i området.

Forskrift om utsetting av utenlandske treslag set krav internkontroll i § 10:

Den som har fått tillatelse etter denne forskriften, skal etablere og dokumentere internkontroll.

Internkontrollen, og dokumentasjonen av denne, skal tilpasses virksomhetens art, aktiviteter og størrelse, og skal utføres i det omfang som er nødvendig for å etterleve bestemmelsene i eller i medhold av denne forskriften.

Internkontrollen skal sikre at virksomhetens ansatte har kunnskap om reglene i forskriften, herunder vilkårene for tillatelse til utsetting, og at det er etablert rutiner for etterlevelse av reglene. Virksomheten skal gjøre dokumentasjon av internkontrollen tilgjengelig for ansvarlig myndighet ved forespørsel.

Internkontrollen skal som et minimum omfatte:

- rutiner virksomheten følger for å sikre at kravene i eller i medhold av denne forskriften blir overholdt,*
- rutiner virksomheten følger dersom avvik oppstår, og opplysninger om hvem som er ansvarlig for at rutinene blir overholdt,*
- rutiner virksomheten følger for å hindre gjentakelse av avvik og opplysninger om hvem som er ansvarlig.*

Fylkesmannen sine vurderingar

Våre vurderingar etter §§ 8-12 i nml:

§ 8 Kunnskapsgrunnlaget

Kunnskapen om fjelledelgran, det aktuelle arealet og områda i nærleiken er god etter vår vurdering. Vi meiner kunnskapen om naturmangfaldet er tilstrekkeleg til å handsame søknaden.

§ 9 Føre-var-prinsippet

Risikoen for uheldige økologiske verknader bør vere små i denne saka basert på kunnskapsgrunnlaget og at trea skal fjernast før dei set frø. Føre-var-prinsippet blir ikkje tillagt stor vekt i saka.

§ 10 Økosystemtilnærming og samlet belastning

Basert på informasjonen som ligg føre kan vi ikkje sjå at tiltaket legg beslag på eller er ein vesentleg trussel mot stadeigne naturkvalitetar.

§ 11 Kostnadene ved miljøforringelse

Ansvar for eventuelle skader på naturmiljøet ligger hos grunneigaren. Kostnader ved å bote på eventuelle skader eller forebyggje desse skal bli dekte av grunneigaren innan rimelege grenser.

§ 12 miljøforsvarlege teknikkar og driftsmetodar

Fjerning av alle trea før dei blir kongleberande blir vurdert som tilstrekkeleg for å hindre spreiding.

Samla sett meiner vi at tiltaket har små negative følgjer for naturmangfaldet og at løyve kan bli gitt. For å unngå spreiding blir det satt vilkår om fjerning av trea i løpet av 2036. Det blir sett krav om utplanting innan 2017 fordi skogareal har generell foryngingsplikt innan 3 år.

Rettsleg grunnlag

Saka er handsama etter

- Forskrift om utsetting av utenlandske treslag til skogbruksformål FOR-2012-05-25 nr 460 med endring FOR-2013-03-15 nr 284
- §§ 7 til 12 i Lov om forvaltning av naturens mangfold LOV-2009-06-19 nr 100
- Forvaltningsloven LOV 1967-02-10

Lovar og forskrifter kan lesast på lovdata.no

Tilsyn

Tilsyn kan skje etter § 11 i Forskrift om utsetting av utenlandske treslag:

Ansvarlig myndighet, eller den som er delegert myndighet etter § 4, fører, i henhold til naturmangfoldloven § 63 til § 65, tilsyn med at utsetting av utenlandske treslag skjer i samsvar med bestemmelsene gitt i og i medhold av denne forskriften, herunder tilsyn med eventuelle spredningsområder.

Klagerett

Det kan klagast på vedtaket innan tre veker etter at vedtaket er motteke, jf. §§ 28 første ledd og 29 i forvaltningslova. Informasjon om klagerett ligg ved.

Med helsing

Helge Nymoen
landbruksdirektør

Liv Aakre
fylkesskogmester

Brevet er godkjent elektronisk og har derfor inga underskrift

Vedlegg: Informasjon om klagerett

Kopi: Vinje kommune